



135278

大帝本國延文慶子六月有旨入毘盧藏玉城蘭蘿寺寓居比丘單況謹募衆緣恭為

今上皇帝祝延 聖壽文武官僚資崇 積位國泰民安命工鍾梓與

六歲經印校行一部計三十卷普永和三年丙辰八月

日謹題

元亨釋書卷二十二

濟北沙門 師鍊 撰

資治表三

起元正至廢  
帝合四君

元正皇帝

元年春正月改元靈龜夏五月復知事管寺

產移元興寺于左京。秋八月沙門玄昉赴唐  
冬十月

靈龜元年丙辰正月不書即位。去歲九月  
初三于平城也。帝草壁太子、女母、元明帝  
即位日左京兆獻白龜。因茲改元舊史系  
乙卯今立丙辰者孝德之例也。五月初近  
州刺史藤武智適遊一寺殿宇荒頽不見  
比丘願問村人對曰檀家管統寺產主事  
無分故有此廢不獨此刹餘慶多爾。刺史

嚙頰曰如來設教其旨深妙天竺支那延  
及此方且失創寺檀信元志植福何其孫  
子不思先業侵三寶物致是朽荒不啻滯  
累其身於曠劫所以虧耗至治於清朝也  
乃表奏曰臣率洛大化得守上邦適問民  
事至一精舍院宇頓毀縕伍不在問之知  
依檀家管寺供也若不下明詔起此廢恐  
滅正法且缺清化不獨當州餘方或聞乞  
下嚴敕復此敗亡臣不敢專仰待明制詔

曰傳聞浮屠之法清淨無爲纔有檀興辟  
功不處是以射空之矢從空而落投海之  
滴與海不竭今民間謾汝冥海之波却受  
墜空之矢是不啻貪墨之甚又弗耳真乘  
之過也自今以往天下寺院田業資產悉  
隨僧管不許檀家係掠若其資寡廢久之  
院宇合數寺成一區衆僧諸檀共振頽綱  
若有乖詬刺史檢校以聞是歲當元宗開  
元四年也

二年春夏秋冬十有一月癸丑改元養老沙  
門道慈至自唐

○養老元年十一月美州醴泉出因此十一  
改元慈公是歲自唐歸

三年春夏秋冬十月舉高德精學業沙門行  
善至自高麗三歲善無畏來遊

養老二年十月尚書省劄曰告諸僧綱智  
鑒冠時衆所推讓宜舉其人者又諸僧徒  
各有所業或誦習或禪修皆守本業慎加

勵勤莫事浮遊倦墮矣行善之歸事在本傳無畏不聞所止故畫遊

四年春夏秋冬十有一月沙門神睿道慈賜封戶

養老三年十一月睿慈二師之封各五十

戶

五年春正月與公驗于僧尼夏秋八月轉經于四十八寺九月置放生會冬十有二月正

經師

養老四年正月僧尼公驗始焉八月敕都下四十八寺一日夜讀藥師經祈右僕射藤公病也九月日隅二州亂朝廷祈宇佐神宮平寇大神託曰交鋒之間死傷多矣我甚憐之願寇平之後置放生於諸州八幡放生會自此始焉十二月詔曰真誼佛乘化在音聞唱禮轉經元有規矩比來僧尼或出私曲妄作別調後生之輩慣習成俗若不變正恐壞聲教自今當式唐沙門

道榮及沙門勝曉轉唱餘皆停之

六年春夏五月詔天下合修廢寺度一百人  
尚書右丞笠公蘿髮六月優沙門行善錫道  
藏秋冬

養老五年五月詔七道按察使巡州郡修  
廢寺其不堪者合數寺太上皇病度淨信  
男女一千人祈病也笠公出家書官者貴  
之也六月詔曰沙門行善負笈萬里普事  
游學既經七代博積修練天下所過之寺

院皆迎待供養又曰百濟沙門道藏釋家  
棟梁法門領袖年逾八十氣力羸衰若無  
束帛之施何寄極老之志有司四時頒供  
綿帛優錫何優遇稱譽也錫賜也賜錫孰  
異賜常也錫非常也十二月太上皇崩

七年春夏秋冬十有一月寫諸經製幡蓋十  
有二月設齋于京畿諸寺安彌勒像于藤原

宮

養老六年十一月敕寫華嚴大集涅槃木

菩薩藏經及觀世音經二百卷造幡蓋諸法器薦大行大上皇也十二月於京畿諸寺齋僧尼二千六百三十八人及藤原宮安彌勒像者薦天武天皇也

八年春二月遣沙門蒲誓檢搆觀世音寺夏秋冬建施藥悲田二院于興福寺

養老七年二月詔蒲誓法師造觀世音寺觀世音寺和銅二年詔大宰府官造已歷十數年恐修也何書搆未竟也未竟書搆

無咎又警有司怠慢也若曰修未由見怠滿誓誰笠右丞也是歲於興福寺建二院納封戶五十及豫州田一千畝越州稻一十三萬束

九年春二月甲午天皇禪位于皇太子後謚元正夏秋冬

養老八年二月初四太子受禪

聖武皇帝

元年春正月改元神龜轉大般若經于宮中

夏四月諸州放生秋七月營殿于山階寺九  
月度人轉經冬十月

神龜元年乙丑正月不書即位去歲二月  
于平城也帝文武長子養老七年和州貢  
白龜因此即位改元舊史系甲子今立乙  
丑者孝德之例也延沙門六百人于宮中  
轉大般若攘灾也夏天下放生及七月山  
階寺營殿安藥師像者祈太上皇病也九  
月壬寅詔曰朕聞古先哲王君臨寰宇順  
兩儀以亭毒叶四序而齊成陰陽和而風  
雨節災害除而休祥臻故能騰茂飛英鬱  
爲稱首朕以寡薄嗣膺景圖戰戰兢兢夕  
惕若厲懼一物之失所瞻懷生之便安敷  
命不明誠信無感天示象變地顯震搖熟  
惟災眚責在予躬昔殷宗修德消雖難之  
後懲宜令有司擇三十人出家并左右京  
及和州管內諸寺始今月二十三十七日

之閒轉經修勵憑茲勝利莫攘災異此歲  
當開元十三年也

二年 神龜二年

三年春二月僧尼轉金剛般若經于宮中夏  
秋冬

神龜三年二月延比丘六百人比丘尼三百人  
讀金剛般若攘災也元年大般若不書人今何書  
元年比丘而已言轉般若知有比丘故不書今二衆并屈故書入三月

和州長谷寺成行基法師爲導師義暹咒  
願而慶之不書私也

四年春夏秋冬十月聘僧正義淵十有二月  
頒金光明經于天下

神龜四年十月義淵法師卒賜布帛敷禮  
部監護喪事褒淵之德望酬皇眷故書以  
官十二月以金光明經六十四部頒下諸  
州令比丘諷讀祝聖也

五年春二月設齋會于元興寺夏六月置修

仁王會于宮中止。合廢寺秋八月癸亥改元  
天平冬新大安大寺。

○天平元年二月於元興寺設大齋會。左僕  
射長室皇子爲監護時一沙彌連比丘座  
捧鉢受飯。僕射以牙笏擊沙彌頭。血流下  
面。沙彌拭血而哭忽然不見經一日或奏  
此事。帝怒賜僕射死。六月仁王會者一代  
之會也。立爲或止合廢寺者辟謫矣。也卒  
京兆獻靈龜背有文曰天王貴平智百年

因茲八月改元是歲侈薪大官寺禮也初  
有司不委寺規沙門道慈進西明寺旨帝  
大悅

六年春三月起東塔于藥師寺夏四月藤皇  
后起塔于興福寺秋冬十月沙門辨正爲僧  
正。

天平二年四月創興福寺塔藤皇后及僕  
射旁前率文武官僚曳材夷基

七年春夏秋八月度釋行基散徒多

天平三年初行基法師善諭導所至之處耕夫舍鋤織婦投杼隨之而聽以故隨侍之者多無賴惰庸輩相慣持鉢寄活於我八月詔曰行基法師從侍之士其中優婆塞優婆夷如法精修者男年六十一年五十五以下咸許出家余持鉢行路之人有司加檢捕

八年 天平四年

九年春夏四月沙門榮睿普照赴唐秋七月

置盂蘭盆供于宮中冬  
天平五年七月詔司膳寺備盂蘭盆供立爲式

十年春正月藤皇后構西殿于興福寺夏秋冬十有一月以妙法華寂勝王經爲度科

天平六年正月皇后光明子營西金堂于興福寺安丈六釋迦佛及菩薩羅漢神王等像施衲伽梨沙門四百人薦先妣橘氏也十一月尚書省奏比來度者不考學修

只資官舉是乖法意又亂聖政自今不許  
舉度只取才器以妙法華寂勝王二經爲  
科先背誦屢問數義中者得第不中下第  
制可

十有一年春夏四月沙門玄昉至百唐秋冬  
十月定皇子薨薦唐沙門道璿來

天平七年四月昉師以傳來佛像及經論  
獻于尚書省帝悅九月新田皇子薨十月  
詔曰凡皇子之薨七七之忌供百比丘以

薦冥福立爲式是歲唐道璿來教館大安  
寺西唐院

十有二年春二月沙門玄昉賜封戶及田畝  
扶翼童道慈扶翼童夏秋七月度一百人冬  
十月賜沙門道璿菩提時服

天平八年二月昉師賜封一百戶田一百  
畝翼侍童八人慈師童六人也七月度一百人  
都下四大寺行道一七日祈太上皇  
病也十月璿提二師賜溫服

綿

十有三年春三月營釋迦像大般若經于諸州夏四月置轉經于大安寺五月轉大般若經于宮中秋八月轉大般若寂勝王經于宮中度京師及諸州人沙門玄昉爲僧正九月施絲帛于京畿僧尼冬十月講寂勝王經于大極殿十有二月與玄昉綿帛

天平九年三月詔每州造丈六釋迦及菩薩像并寫大般若經一部六百卷是國分寺之權輿也四月沙門道慈奏大安寺修

造以來每歲命百五十比丘轉大般若以  
故荐年災害消沮自今乞轉此經鎮國家立爲永式以官租爲達觀制可五月朔日有食之延沙門六百人宮中讀大般若經攘災也八月於宮中一十五處轉大般若寂勝王二經京師度四百人諸州一百七十八人祝聖攘災也九月兩京五畿比丘比丘尼及沙彌二千三百七十六人賜綿帛各有差十月於大極殿講寂勝王經百僚

皆集其儀同。元日沙門道慈爲講師堅藏  
讀師皇太子藤宮子染沈病。自誕帝未曾  
相見十二月皇后光明子延玄昉法事帝  
預聽此日藤宮子在焉見昉師洗然病愈。  
遂與帝晤母子相喜百僚皆賀帝賜綿帛  
絲布各一千絰書曰與滋萌也昉師何不  
書官氏蠶也

十有四年春三月納封戶于山階寺于法隆  
寺夏四月轉寂勝王經于天下秋七月納官

租于國分寺冬月六齋日停漁獵

天平十年三月朔日有食之納山階寺于  
封丁千戶法隆寺二千戶攘灾也四月天  
下之轉經祝聖也七月國分之租官稻各  
二萬束也是歲詔曰去年天下諸州營寺  
宇置像經今茲風雨順序五穀豐稔靈貺  
如響佛事可崇自今天下諸州每月六齋  
日不得漁獵殺生刺史加檢察

十有五年

天平十一年

十有六年春夏秋九月造觀世音像于諸州  
冬十有二月丁卯遷都于山州恭仁鄉

天平十二年九月敕曰藥紫有不軌之臣  
命軍討伐願依聖祐欲安百姓故今州別  
造大悲像高七尺不軌臣藤廣嗣也十二  
月十五都山州山階恭仁宮

十有七年春正月頒封戶于國分寺三月舉  
國分寺安四王像起塔寫頌經納戶田夏秋  
冬十月橋役賜度

天平十三年正月藤太師遺命返封五千  
戶帝割二千戶賜其家三千戶分納國分  
寺充丈六像費也三月詔曰朕以薄德忝  
膺大寶政化未洽寤寐省懃頃者年穀不  
登慚懼交集是以博求景福覆燼兆庶去  
歲令天下造釋迦佛像高一丈六尺及木  
般若經數六百卷爾來風雨順序五穀豐  
穰靈貺如響一懼一喜經云若有國土講  
讀此經恭敬供養我等四王常來擁護故

今令天下諸州安四天王像及寫金光明  
寂勝王妙法蓮華二經各一部朕又寫金  
字金光明寂勝王經一部每州構七級塔  
安之所冀聖法之感與天地而永流擁護  
之恩被幽明而恒蒲其造塔之所又國之  
華必擇好處兼期久遠自今僧寺號金光  
明四天王護國之寺撰明德二十人爲居  
者封五十户田一百畝尼寺名法華滅罪  
之寺擇淨尼一十人爲居者田一百畝二

寺有缺量才補蒲二寺各月八轉寂勝王  
經望誦戒羯磨又六齋日諸州不得漁獵  
刺史加檢校駕世山東河架橋始自七月  
至十月募畿甸淨信民役之役竟得度凡  
七百五人

十有八年 天平十四年

十有九年春正月轉寂勝王經于四十九寺  
夏秋冬十月創木銅像于紫香樂

天平十五年正月帝作疏曰天皇敬謹四

十九座諸大德弟子階緣宿殖嗣膺寶命  
思欲宣揚正法導御羣民故以今年正月  
十四日勸請出家之衆於所住四十九寺

限七七日轉大乘金光明寂勝王經仍令  
天下七七日禁殺又於大養德國金光明  
寺設殊勝之會爲天下之模諸德等或一  
時名輩或萬里嘉賓屈彼高明隨茲延請  
詔慈悲之音暢微妙之旨仰願梵宇增威  
皇家累慶國土安泰人民康樂同駕菩薩

之乘共登般若之岸三月遣右僕射橘諸  
兄如諸寺慰衆僧十月於紫香樂京剗毗  
盧遮那佛銅像帝製幹疏降尚書省宣示  
天下曰有天下之富者朕也持天下之勢  
者又朕也以此富勢成彼像設不爲難矣  
而已然亦少有思焉夫像者金銅一十六  
丈之毗盧遮那佛也庇廕是像殿宇又宏  
竭國銅而鑄傾國材而構度斯巨役也雖  
寬租賦恐傷氓黎是以四海爲費資萬姓

爲助友。丁針。丁草。各人各佛像成之日。不獨朕有以此勝利。天下共之。宜以朕意。普告天下。上帝闢寺基。於是行基法師率徒。并勸士庶助役。帝之大構。元是良辯法師之所勸也。

二十年春二月庚申遷都于攝州難波。三月轉大般若經于新宮。夏秋七月殖稻于國分寺。八月度二千八百人。冬十有一月造大像

模。

天平十六年二月宣左僕射定難波都。三月於難波宮東西樓殿延沙門三百人。轉大般若經。七月以稻二萬束賜國分寺。子母計畫收其羸充修造僧尼兩寺皆遍殖。何貨殖之謂也。八月帝不豫自難波歸平城。度三千八百人病愈。十一月於甲賀寺創大像模。帝親引繩。太常奏樂。敍會四大寺。沙門達觀有恙焉。

二十有一年春正月釋行基爲大僧正。夏五

月問京便于四大寺沙門戊辰車駕復平城  
秋八月移大像于平城九月度三千八百人  
冬十有一月遣玄昉檢攝觀世音寺

天平十七年正月行基加大僧正及賜慶  
者四百人大僧正自基始五月遣膳部郎  
粟栖王於平城藥師寺會四大寺衆宣問  
三都何佳僉曰平城佳由是十一還奈良  
都八月於和州平城移營大像帝以袞袖  
裹王築壇九月之度祈上疾也昉師在西

府有惡稱故書不氏官

二十有二年春夏六月玄昉夭秋冬十月天  
皇幸金鐘寺燃燈

天平十八年六月觀世音寺成昉師慶之  
忽空中捉昉不見其形後昉頭落興福寺  
唐院初大宰府都督司馬藤廣繼妻美昉  
通花鳥使司馬憲自此與昉有郤十二年  
司馬反大將軍野東人討之司馬亡而數  
年矣其靈及於此也十月幸金鐘寺供盧

舍那佛然一萬五千七百燈沙門數千歌  
唄讚頌繞佛三匝三更還宮

二十有三年春夏五月講仁王經于南苑及  
天下秋冬十有一月納田于國分寺

天平十九年十一月勑國分寺塔婆僧坊  
皆令修備因而納田僧寺九百畝尼寺四  
百畝

二十有四年春夏秋七月寫法華一千部冬  
十有二月度僧尼各一千

天平二十年七月千部法華薦太行元正  
上皇也十二月一千之度薦山陵也

二十有五年春正月天皇受菩薩戒及皇太  
后皇后大僧正行基錫號大菩薩二月丁酉  
釋行基寂<sup>入</sup>州貢董金夏五月納田戶財帛  
于一十二寺秋七月甲午天皇禪位于皇太  
子後謚聖武定諸寺莊田冬十月天子幸智  
識寺十有二月天子及太上皇幸于東大寺  
八幡大神入寺

天平二十一年正月帝於平城中嶋宮屈行基受菩薩戒法諱勝浦皇后德蒲皇太后萬福即日賜號大菩薩書錫褒也二月初帝鑄木像欲買黃金于唐國依宇佐大神託罷唐使至此奧州刺史百濟王敬福獻小田郡所出黃金九百兩敬福階銀青光祿大夫閏五月納五千戶十萬畝于東大寺又納稻帛于太安藥師元興興福東大之寺墾田各一千畝及法隆四天王弘

福崇福香山建興法華之寺各若干畝帝著發願文曰敬憑諸寺衆沙門大藏木小經律論等轉讀講誦盡未來際永無退轉故今以茲資產敬納諸寺所希諸佛菩薩諸天善神隨喜擁護寶祚延長萬民樂業法界有情成無上道七月初二太子即位敕定諸寺莊田大安興福藥師法華諸國分寺各一萬畝和州國分寺四萬畝元興寺二萬畝弘福法隆四天王崇福新藥師

建興下野藥師築紫觀世音寺各五千畝  
諸州法華寺各四千畝餘定額寺各一千  
畝十月八幡大神託向京甲寅敕諫議大  
夫石川年足等迎神赴路衛士百人所經  
之州放生官使等不食酒肉道路除汙穢  
十二月戊寅太神入都遣官使迎之於宮  
南梨原宮造新殿接神詔沙門四十輩慶  
讚丁亥帝及上皇幸寺百僚皆從作種種  
伎樂拜大像會五千沙門又納封四千戶

奴婢各一百人于寺此日八幡大神託社  
女入寺拜像王臣大奇之尋常書天皇曷  
爲言天子受禪之歲猶屬舊主天子之稱  
理之順矣

孝謙皇帝

元年春正月改元天平勝寶二月納封戶于  
金光明寺夏四月秋七月冬十月

天平勝寶元年庚寅正月不書即位去歲  
七月初二也帝聖武之女母光明后去歲

奧州貢金，四月丁未改元天平感寶迄帝即位，換勝寶舊史系已丑，今立庚寅孝德之例也。二月和之金光明寺封三千戶，通前成五千，是歲當天寶九年也。

二年春夏四月沙門菩提爲僧正，秋冬十月

修續命法于藥師寺

勝寶二年四月菩提法師爲僧正，世曰婆羅門僧正，十月敕沙門四十九人於新藥師寺行續命法，祈上皇疾也。

三年春正月放生天下，度一千人，夏四月慶東大寺，天皇太上皇幸之，秋冬

勝寶三年正月詔曰：今年自孟春至窮臘，天下停殺生，沿海之民以漁爲活者數戶，給米，己丑之度男九百五十人，女五十人，祈上皇疾也。四月初九慶東大寺，上上皇幸寺，百僚皆從儀服甚盛，講師隆尊讀師延福延，一萬沙門奏一萬伎樂，東西分列歌舞交發，佛法西來齋會之盛，未嘗有也。

四年春正月點燈于東大寺夏秋冬

勝寶四年正月帝幸東大寺點二萬燈

五年春正月唐沙門鑒真來夏四月禁戒壇

于東大寺傳林邑舞秋冬

勝寶五年正月鑒真法師從遣唐使伴胡  
來真善律學四月敕於東大寺建戒壇上  
皇登壇受菩薩戒靈福等舊僧八十人重  
受沙門佛哲解音今茲詔樂部學林邑舞  
所謂菩薩舞校頭舞也

六年 勝寶六年

七年春二月天皇幸智識寺南宮兵部尚書  
橘建世設傳法會于志賀寺夏五月乙卯聖  
武太上皇崩六月賜米鹽于沙門鑑真法榮  
放生天下設僧齋于大安寺于興福寺促營  
東大寺步廊秋冬十有二月六十沙門講梵  
網經

勝寶七年二月上幸智識宮翠日禮隣寺  
七佛五月初二聖武上皇崩沙門法榮誓

侍山陵轉經修薦敕鑄榮本貫一郡租六  
月以上皇御膳米鹽等賜真榮二十師庚寅  
詔曰居喪之禮臣子惟同天下之民誰不  
預者天下諸州自今以去放生一朞薦上  
皇也丙戌設一千僧齋于大安寺薦上皇  
五七忌也興福寺齋者七七忌也凡講供  
有儀曰齋會諷供不儀曰僧齋甲辰詔曰  
明年國忌當設東大寺步廊未竟速促營  
備課六路諸州替租庸十二月遣名臣六

貞于六大寺屬六十二沙門講梵網經薦上  
太上皇也

八年春正月度八百人夏五月設僧齋于東  
大寺結安居秋八月丙寅行布薩于諸寺冬  
十有一月納田于東大寺十有二月納田于  
山階寺納封戶于法華寺

勝寶八年五月東大寺一千五百僧齋薦  
國忌也今茲國忌預始四月十五至五月  
二天下寺院講梵網經故安居在望八月

詔曰。軌持佛法。無尚木叉。尸羅之制。協我禮經。自今諸寺勤行布薩。因而每寺納田一百畝。十一月納備州田一千畝于東大寺唐禪院。薦上皇也。十二月山階寺田一千畝給施藥院也。

### 廢帝

元年春正月改元天平寶字夏四月秋八月庚子天皇即位僧綱菩提上尊号於太上皇釋鑒真賜號大和尚沙門延慶授朝散大夫

### 辟許<sub>新羅</sub>沙門來冬十月

天平寶字元年戊戌去歲八月駿州獻蚕自成字曰皇帝命百年先三月宮中承塵上有天下太平四字因茲十八改元今以史法系元正八月初一帝受禪即位帝天武之孫舍人親王第七子也即日菩提僧正率僧綱上表於太上皇號曰寶字孝謙稱德皇帝此日授號于鑑真初爲大僧正真患綱勞煩難故有此授延慶法師有時

望授朝散大夫而賜封田慶辭爵封帝許  
爵不許封君子曰君臣有禮乎癸卯新羅  
沙門三十二人尼二人男十九人女二十  
一人歸化敎居武州閑地於是始置新羅  
郡尋常受位年不元曷爲元折衷也曷爲  
折衷丁酉改元戊戌即位己亥立元恐緩  
也戊戌之元者折衷也是歲當肅宗乾元  
元年也

二年春夏六月城外路傍栽果樹修諸州廢

寺括私度秋八月太和尚鑒真建招提寺冬  
寶字二年六月東大寺普照法師奏路傍  
果樹可輔聖化行路之人多寓其下熱則  
就蔭飢則啖實乞城外道兩邊栽果樹制  
可山階寺玄基法師奏嚴淨國家無過伽  
藍攘災拯難佛力賴之見今諸州練若廢  
頽相仍不加修治恐失墓趾乞降宣刺史  
諸檀年加興復制可八月鑒真創招提寺  
薦聖武帝也書号尊之也沙門賢璪寫大

藏五千四十八卷而納寺，又薦帝也君子，  
曰見義勇爲環之謂乎

三年春二月僧正菩提寂夏秋七月置四位

十三階賦東大寺產冬沙門良辨爲僧正

寶字三年七月四位十三階依良辨奏也  
詔曰東大寺封五千戶其一千戶充修造  
二千戶僧供二千戶官家法事非禮也

四年春二月太師藤仲移觀音殿于興福寺  
夏六月造彌陀像于天下法華寺納田于山

階寺于法華寺秋冬十月遷都近州保良道  
鏡侍上皇疾

寶字四年二月藤惠美押勝修一字興福  
寺安觀音像西壁繡補陀落山東壁極樂  
界相精致妙麗此宇元山階寺東院也太  
師叛臣曷爲畫官褒修營也然則何名功  
不全也六月庚辛皇太右期忌預攝淨土  
院于法華寺西南隅安丈六彌陀像至此  
日設齋供天下國分尼寺皆洽又納田四

百畝于山階寺。每國忌講梵網戒經法華寺田給淨土院薦太右藤氏也。十月之遷都十三也。沙門道鏡姓弓削氏義淵之徒也有梵學召入內道場修如意輪觀自在供上皇疾保良詔。鏡看侍鏡曷爲不族譏也曷爲譏侍女主也。

五年春正月築戒壇于藥師寺于觀世音寺夏五月辛丑復都平城。六月太上皇祝髮秋

冬

寶字五年正月二十一敕曰東山道下野藥師寺西海道築紫觀卽音寺各立戒壇充東西戒業也。上皇與帝有隙因茲五月帝歸平城在中宮院。上皇于法華寺六月上皇爲尼法諱法基。

六年春夏五月戊申大和尚鑒真寂秋冬納封戶于葛木寺。

寶字六年

七年春夏秋九月道鏡号大臣禪師停畋獵

冬十月壬申天皇狩淡州十有一月檢保國分寺

寶字七年九月道鏡賜号大臣禪師鏡媚上皇故書不族号名非法不書賜寶字之政權在上皇帝只當守而已藤太師患鏡之寵及反以誅鏡爲名壬子仲亡上皇聞帝知仲事遣兵圍中宮院帝懼退位降爲淡路公配淡州婉文書狩也十一月詔曰比聞諸國分寺郡吏侵掠多致朽荒僧尼

逃散大壞風化諸州刺史宜加檢察

元亨釋書卷第二十二

元亨釋書卷第二十三

濟北沙門

師鍊

撰

資治表四

起高野至承  
和合七君

高野皇帝

元年春正月癸巳天皇復位己亥改元天平  
神護夏四月秋七月冬十月納封戶于弓削

寺道鏡爲太師建西大寺鑄四天王像

天平神護元年乙巳正月初一孝謙帝復

位去歲九月太師藤仲非官師于近州高  
嶋郡太師敗走乘扁舟浮湖而逃太將軍  
涼大向竹生嶋誓曰普夫之下莫非王土  
率土之濱莫非王民今名山大川皆各有  
神鎮護王國彼竹生嶋神若有靈乞發神  
力加助皇威于時東風俄起吹惠美舟著  
高嶋濱遂誅惠美涼大迴闕奏事數授神  
朝請大夫正月初七因茲改元帝建西大  
寺鑄四天王銅像一像不成改鑄六度未

成帝幸治所誓以玉手攬洋洋銅像乃成是  
歲當代宗永泰元年也

二年春夏秋七月造丈六佛像于伊勢大神  
寺九月大直足山授朝散大夫冬十月移隅  
寺舍利于法華寺道鏡轉法皇位天皇感舍  
利

神護二年九月豫州人足山以私稻七萬  
七千八百束田百畝納國分寺帝擢大夫  
十月隅寺毗沙門像所現舍利移法華寺

供養幡蓋導從儀服甚麗此日道鏡受法  
皇位曷爲書轉譏曷爲譏不定也曷爲不  
定鏡之位不定也癸卯詔曰朕發菩提心  
感舍利三粒此歲加律師不書微也

三年春正月修吉祥懺于天下國分寺二月  
天皇蒼書于泰澄和尚夏六月凡直伊賀授  
朝請大夫秋八月癸巳改元神護景雲設僧  
齋于西宮冬十有二月置法皇宫司

○神護景雲元年正月國分寺吉祥懺各丁

七日祈豐稔也二月皇書見泰澄事中六  
月鑿州人伊賀私稻二萬束牛六十頭納  
西大寺爲朝請大夫八月參州奏慶雲見  
齋沙門六百人于西宮而改元十一月詔  
曰傳聞僧尼齋供粗淡自今宜加鹽梅濃  
厚十二月圓興爲法臣基真法諫議

四年春正月修御齋會于大極殿夏六月造  
彌勒淨土于西大寺秋冬十月幸長谷寺納  
封戶于西大寺比丘尼法戒法均賜官十有

二月竄基真于飛州

景雲二年十月幸長谷寺而納田西大之  
封一百戶也戒尼銀青光祿大夫均尼大  
中大夫十二月基真作毗沙門像密置舍  
利詣爲像所現道鏡又僞爲已瑞眩惑衆  
庶詮僞已露故有此貶

五年春正月道鏡受朝夏秋七月戶部尚書  
和清奉使宇佐神祠納封戶于土師寺冬

景雲三年正月初三道鏡居西宮前殿受

百僚朝賀七月初木宰主神阿曾矯八幡  
大神託曰道鏡登極天下太平蓋阿曾謂  
媚於鏡也鏡聞之僞喜於是帝夢八幡木  
神告曰我國家開闢以來天日皇緒無移  
繼統比來孽臣邪神淫祀妖言帝其無撼  
早掃除之因茲帝敕和清詣宇佐宮祠親  
聽神令神託如夢清重白言是國家木事  
也託夢相合雖無可疑願見神靈以決餘  
惑木神乃現形長可三尺色若滿月清心

身感動不敢正見大神曰神有大小善惡不必一也善神惡淫祀惡神受邪幣道鏡貺邪幣於羣邪行權譎於佞黨百計千祭貪求天位於此乎善惡二神率師交戰邪強正弱惡多善少我已困羸殆乎難當仰憑佛力扶護皇運汝其迴闕頌奏造佛像寫大藏又轉寂勝王經一萬部建伽藍邪神銷沮社稷鞏固汝承我言莫有遺失清還都具奏之鏡大怒解清官爵竄隅州

清路宇佐告訴神曰勿怖也託賜綿帛六年春二月壞西大寺塔礎夏四月造小塔百萬秋七月轉大般若經于京寺停酒肉于天下八月癸巳天皇崩竄道鏡冬

景雲四年西大寺塔礎徑丈餘厚九尺飯盛山石也初役夫數千日行數步時時鳴聲已而加鑿削築基趾于時巫屬曰此石靈恐有禍救積薪其上焚之灌以酒三十斛石碎片散道傍不幾帝不豫卜石爲

稟祿拾片石積淨地今寺之東南隅片塊  
石是也四月造三級小塔高四寸五分闊  
三寸五分凡一百萬粒惠美之逆所誓也  
七月轉般若停肉酒者攘災變也八月初  
四帝崩太子攝政令曰道鏡師隱慝已形  
罪當大辟然而先皇所厚且從輕恕任造  
下野州藥師寺使

光仁皇帝

元年春正月改元寶龜公驗復禮部三月置

威儀法師夏四月秋八月鑄僧綱及十二大  
寺印冬十月

寶龜元年辛亥正月不書即位去歲十月  
初一也帝天智之孫志貴王子第六子也  
景雲四年八月肥後州獻靈龜因茲即位  
日改元今之元正者孝德之例也初天平  
神護元年以來僧尼度緣用道鏡印今茲  
正月復禮部省三月威儀師依僧綱請也  
八月鑄印其十二寺者大安藥師東大興

福新藥師元興法隆弘福四天王崇福法  
華西隆等寺各置印於本所是歲當大曆  
六年也

二年春三月置十禪師夏秋冬

寶龜二年三月詔曰禪師秀南廣達延秀  
延慧首勇法淨法義尊教承興光信或智  
定可貴或慈行有名官賜供給永終其身  
時稱爲十禪師其後有闕撰名德補之

三年春正月戊寅立皇太子三月置內供奉

夏秋冬十有一月納田于行基菩薩故院僧  
正良辨寂僧階配官位

寶龜三年正月山部皇子爲太子初金吾  
將軍百川私語等定法師曰安得法力加  
山部親王登帝位定諾乃取親王長作梵  
王帝釋二像供修之至此擢上儲位三月  
六日敕天下諸州擇智行精修比丘爲內  
供奉割官稅充資糧十一月詔曰故木善  
薩行基戒行具足智德惟備其營建之院

四十餘處先朝之日多賜莊田但其六院  
未有恩給和州菩提登美生馬內州石凝  
山墻泉州高渚宜賜田畝所希真詮秘典  
采洽東方金輪寶位恒齊北極風雨順時  
年穀豐稔又敕曰僧正准從四品僧都正  
五品律師從五品

四年春夏四月念摩訶般若于天下秋冬

寶龜四年四月敕曰傳聞諸州疫發朕君  
臨宇內子育黎元念此災厲寤寐爲勞夫  
疫厲鬼不入家內憑茲善利救彼短折宜  
告天下起坐行出念摩訶般若

五年

寶龜五年

六年春夏五月轉大般若經于宮中納封戶  
于招提寺秋冬

寶龜六年五月召沙門六百人于宮中讀  
大般若經攘災也播州戶五十納招提寺

七年春三月轉大般若經于宮中夏秋冬十  
有二月轉金剛般若經于國分寺僧都慈訓  
寂

寶龜七年三月六百人大般若攘宮怪也  
十二月國分寺金剛般若攘井上廢皇后  
及他戶皇子母子靈崇也此歲慈訓僧都  
卒

八年

寶龜八年

九年春夏秋七月納封戶于秋篠寺冬

寶龜九年九月秋篠寺封百戶也

十年春正月京師數寺災三月行道于東大  
寺雲州獻異像夏六月納封戶于西隆寺秋  
冬納封戶于妙見寺

寶龜十年三月東夷叛救東大寺行道三  
七日壓夷也不幾獻俘八十六人雲州海  
濱銅像浪浮來并香爐諸器刺吏取獻書  
曰異像

十有一年春正月辛酉改元天應夏四月辛

卯天皇禪位于皇太子後謚光仁六月金紫  
光祿大夫石宅嗣卒秋冬

○  
天應元年正月初一改元四月初三太子  
受禪六月石光祿薨光祿篤歸佛乘嘗捨  
舍爲寺名阿閎寺因而安像奉焉寶字中  
爲遣唐大使謁諸名德歸朝於寺東南隅  
營一字居焉曰芸亭院亭東北構方丈室  
孤坐一床觀修終日或有講席必預聞置  
外書於芸亭作記略曰内外之門元是一

道道衰人下或釋或儒僕捨家爲寺歸心  
久矣爲助內典加置外書庶同志者無滯  
空有兼忘物我開編解帙同出塵累不公  
不書何書光祿深我也

桓武皇帝

元年春正月夏四月修仁王會秋八月己巳  
改元延曆冬十月納封于妙見寺于西大  
寺十有二月百僚入于大安寺  
延曆元年壬戌正月不書即位去歲四月

初三也帝光仁長子諱山部四月十四仁  
王會一代之會也八月癸未十九也十二  
月百司赴大安寺營上皇周忌齋是歲當  
德宗建中三年也

二年春三月右僕射藤田薨夏五月宇佐大  
神託名六月禁私建寺秋七月藤魚名薨冬  
十有一月正梵唄十有二月禁質寺地納封  
戶于璉城寺

延暦二年三月藤僕射薨僕射歸鑑真久

矣嘗受菩薩戒五月八幡大神託曰我無  
量劫來化生於三有修善巧方便濟度諸  
衆生我名曰大自在王菩薩六月敕曰京  
畿定額諸寺有定數自今禁民間私營寺  
院有司按察七月左官右僕射藤魚名薨  
嘗於平城建萬葉寺又於額田寺每年安  
居行道奉佛甚勤以謫不官以公書薨又  
渥我也十一月敕曰梵唄讚頌雅音正韻  
以則真乘以警俗耳比來僧尼讚唱動則

哀蕩叫吟曲折萬態似銜伎藝頗近鄭衛  
有司往諸寺告戒濫唱十二月敕曰比來  
禁貧民質家地園圃今聞民間已止僧寺  
猶盛乖法貪利蔑官慢令既爲出塵之形  
還作在纏之舉有司嚴加檢校

三年春夏秋冬十有一月戊申遷都山州長  
岡城

延曆三年十一月遷都十一也

四年 延曆四年

五年春正月建梵釋寺夏秋冬

延曆五年正月創梵釋寺于近州此歲律  
師爲木貞

六年 延曆六年

七年春夏四月僧階配官位五月納封戶于

梵釋寺秋冬

延曆七年四月禮部牒曰僧階有五位入  
位住位滿位法師位太法師位今配官位  
知階差無位當八位入七住六滿五法師

四大法師、三三綱其悉焉五月梵釋之封  
總越二州各五十戶

八年 延曆八年

九年 延曆九年

十年 延曆十年

十有一年春正月給供于頭陀所賜度于山  
背秦氏夏秋冬納田于梵釋寺

延曆十一年正月沙門施曉奏曰竊以真  
理無二帝道惟一數化之門雖異覆載之

功乃同故衛護萬邦唯資於佛化弘隆三  
寶靡非帝功又夫沙門釋子三界旅人離  
家離鄉無親無族或坐山林而求道或蔭  
松柏而思禪雖有避世出塵之操不忘護  
國利人之行而糧粒罕得飢餓常切伏望  
本州國分之供分給彼所然則縉徒得不  
虞而修聖恩有弗督而化制可又奏曰山  
背之民秦氏及女某等三十一人自去寶  
龜三年迄今每歲春秋悔過修練其精誠

寔可憐伏願天慈賜度又旌善之丁化也  
制可是歲田一千畝納梵釋寺

十有二年春正月沙門賢璟及官使相平安  
城都地夏秋冬

延曆十二年正月詔御史大夫藤小黑尚  
書左丞紀古佐美及賢璟視新城之地璟  
師此行我門不脅曷爲書褒曷爲褒褒環  
師公才也公才我門何有公才我門一化  
也

十有三年春夏秋冬十月辛酉遷都山州平  
安城

延曆十三年十月遷都二十一也

十有四年春夏秋冬九月置十禪師子梵釋寺  
而納田戶冬

延曆十四年九月敕曰真教有屬隆其業  
者人王法相無邊闡其要者佛子朕位膺  
四大情存億兆道國齊禮雖遵有國之規  
妙果勝因弘無上之道是以披山水之

名區草剗禪地盡土木之妙製莊嚴伽藍  
名曰梵釋寺今置禪師十員三綱在其中  
納近州田千畝越州封五十戶以充寺供  
修造之費所冀運邁馳驟永流正化時變  
陵谷恒崇仁祠以茲良因普覃一切上奉  
七廟臨法界而增尊下及萬邦登壽域而  
洽慶

十有五年春夏秋冬建東寺

延曆十五年創東寺大中大夫藤伊勢人

爲造寺使

十有六年春正月釋善珠擢僧正夏秋冬

延曆十六年初旱良太子與黃門侍郎藤  
種繼有郤四年八月帝如平城發齋宮公  
主赴勢州種繼爲守宮太子黨人射種繼  
于燭下斃事覺十月太子廢將受弑太子  
使使諸寺預修白業諸寺恐而拒之獨善  
珠納焉謂使者曰太子夙殃不盡今受嚴  
譴此度回債焉又幸也乞勿結怨矣委曲

示諭詞旨激切使者復命太子喜曰我聞  
師言披忍辱衣以故不柏逆鱗之怒耳太  
子幽死其靈惱遁皇太子鑿巫不効救珠  
持念珠語太子曰昔聞貧道言曰已披忍  
辱衣今何有之乎乃廣說法要言未畢太  
子病愈正月十六爲僧正

十有七年春夏四月改度科六月定十大寺  
秋冬

延曆十七年四月敕曰雙林西變三乘東

流明璧炬燈慈同舟楫是以弘道持戒事  
資真僧濟世化人貴在高德而年度者例  
而勿取童頗習二經之文未委三學之趣  
苟避課役纔忝縉徒還棄戒法頓廢修業  
形似入道行同在家鄭璞成嫌齊竿相濫  
言念迷途寔合改轍自今以後度者宜擇  
年三十五以上操履已定智行可崇兼習  
正音堪爲僧者充之每歲十二月以前僧  
綱有司擇有業者相對簡試所習經論揔

試大義十條取通五已上者具狀申官至期令度其受戒之日更加審試通八以上令得受戒又沙門之行護持戒律苟乖斯道豈曰佛子而今不崇勝業或事生產周旋閭里無異編戶衆庶以之輕慢聖教由此陵替非只黷亂真諦固亦違戾國典自今以後如是之輩不得住寺凡有齋會莫關法筵三綱知而不紀者罪並按若有改過修行者聽歸住使夫住法之侶彌薦精

進之行厭道之徒更起慚愧之意六月定官寺十所大安元興弘興藥師四天王興福法隆崇福東大西大等也

十有八年 延曆十八年

十有九年 延曆十九年

二十年春夏四月復度科秋冬十月復維摩會于興福寺

延曆二十年四月敕曰去十七年度者去幼取壯者然性有敏鈍成有早晚局以壯

年恐失英彥，自今聽取年二十已上，三綱有司悉之。十月維摩會復興福寺先或修長崗神足家或平城法華寺故有此數二十有一年春正月遣禮部侍郎和入鹿  
セイカ沙門最澄講夏秋九月詔跨海冬

延曆二十一年正月國子祭主和弘世屬寂澄法師於高尾寺講天台法門又延十餘名德帝使和禮部口宣曰昔者給孤長者降能仁於祇陀之苑常啼苦薩聞般若於尋香之城是以和信士延二十六之龍象設一會之法筵所以慧日增光禪河澄流一乘之玄猷始開區域三諦之微旨聿被人天像季傳燈斯創軌躅隨喜法筵稱嘆功德九月詔曰寂澄闍梨久居東山既探法華奧旨早踰南海宜傳天台教文唯其往還不得過期澄上表曰晉季法顯度流沙而求法唐初玄奘踰葱嶺以尋師並皆不限年數授受惟期是以熟習方言傳傳

早

法藏唯寂澄此度求法往復有限又所求  
法文卷邁數百歷問諸州希遭其人况寂  
澄未學唐言亦暗譯語忽入異域恐煩述  
緒竊見沙彌義真少壯聰悟頗涉經論早  
習漢音粗知唐語天息差義真爲求法譯  
語不啻是行賴之兼令彼學加諸制可

二十有二年 延曆二十二年

二十有三年春正月開律講于招提寺夏五  
月嚴齋會度沙門空海赴唐秋七月沙門寂

澄赴唐冬

延曆二十三年正月招提寺沙門如寶奏  
曰當寺者天平寶字三年大唐鑒真和尚  
爲聖武皇帝所建也爾來五十年雖曆律  
歲未有披講伏望賜省牒於寺傳講學于  
後制可五月庚寅詔曰正月齋會得度之  
輩理須舊年試才新歲得度而有司常致  
慢闕迄于會畢其名未定自今舊年十二  
月中旬以前試定申送其狀簡定之後不

聽改替

二十有四年春正月禁貲賣寺<sub>企</sub>夏五月沙門寂澄至自唐秋八月表進顯密經書詔石川禋生學于澄師冬十月度寫經生置諸州講師賜清水寺于諫議坂田村

延曆二十四年正月詔曰定額諸寺各書檀越姓名于寺記近聞檀家貧孫賣寺浮矯富民買爲已寺不貴佛法恣用田地非唯蔑佛乘又還違國憲或聞民間隨其要害任情貨易寺宇自今不許貲賣寺院八月寂澄法師表進天台密教經疏五百卷及道具器物等帝大悅向有石川禋生二禪師帝之所崇信長於澄也帝詔二人受澄學故其詔詞謙遜所謂內侍宣也十月寫大藏經薦崇道天皇其書生各有賞慕道者得度餘叙位是歲撰諸宗英才補諸州講師給官封也坂諫議營清水寺初二年禁私寺故敕賜之

二十有五年春正月定度科三月辛巳天皇崩謚桓武夏四月置安居講于天下寺刹六月度二百人秋八月禁官吏掠寺禁檀家管掠沙門空海至自唐冬建八嶋寺而置度

延曆二十五年正月詔曰年度者各依本業經疏中間大義十條通五條以上聽度下之者不得若闕其數許來歲加貟省僚僧綱詳加嚴察若恕于緩恐廢其業是朕之所以深懼也三月之崩十七也四月詔

十五大寺及國分寺創安居講仁王護國經立爲式六月度男一百五十人女五十人薦先帝也八月詔曰營寺攝院大小雖殊種德植功尊卑不異故天下大小寺宇其始檀越之者皆能納田畝充資產累世崇敬傳至雲仍近聞權豪官吏放逐檀胤改換僧職寺田剝圃恣事侵掠朕九重深密或欠聽外事有司有知急奏不匿聽而不言罪在不赦又詔曰近聞天下寺院其

檀越者管收寺產拒置知事寺之奴婢役  
過家僕寺之樹木斫爲薪柴恣改三綱殆  
替一寺自今有一於此刺史三綱及大衆  
付有司奏達知而容隱罪不赦是歲山階  
地建八嶋寺<sup>昔</sup>救天下分州租入別倉運納  
八嶋寺每歲置度者一人薦崇道天皇也

大同皇帝

元年春正月改元大同夏四月秋七月冬十

月

大同元年丁亥正月不書即位去歲五月  
十八也帝桓武長子諱安殿即位日改元  
今立了亥者孝德之例也是歲當憲宗元  
和二年也

二年 大同二年

三年春夏四月丙子天皇禪位于皇太弟秋  
冬

大同三年四月讓位初上也

弘仁皇帝

○

元年春正月宮會賜度夏四月秋九月甲子改元弘仁冬十月

弘仁元年庚寅正月不書即位去歲四月十三也帝桓武第二子諱賀美宮中金光明會始啓天台年度光定等八人預焉九月改元二十七也是歲當元和五年也

二年 弘仁二年

三年春夏四月禁僧尼寺男女互入秋冬十月僧尼過條順本法

弘仁三年四月敕曰比來俗輩男女入僧尼院託于講聽屢有侵忤外似勝因內汙淨業自今禁男入尼寺女赴僧寺十月敕曰僧尼罪條隨律教不許有司勘掠因沙門忠芬奏也

四年春正月御齋會置內論義二月復度緣夏秋冬

弘仁四年二月丙戌禮部省言古例僧尼出家之日授之度緣受戒之時給之公驗

勝寶以來受戒之日毀度緣停公驗只授  
十師戒牒今案於事有疑若不復古制恐  
致姦僞伏乞不毀度緣只其度緣自今以  
後僧用尚書省印尼用有司印至受戒時  
尚書省於度緣末注受戒年月并官僚署  
名以省印印之若有身亡或反俗者其度  
緣戒牒早<sub>上</sub>尚書省省年終申官毀之庶  
令姦人屏跡源流共澄制可

五年 弘仁五年

六年春夏四月天皇幸崇福寺于梵釋寺

弘仁六年

七年春夏秋冬十月殖稻于靈安寺

弘仁七年十月敕曰靈安寺徒有伽藍未  
修法事蓋因寺寡產業也以官稻四千束  
納寺自今子母計利充春秋法事及修造

八年 弘仁八年

九年春夏五月解僧尼寺禁秋冬排新羅沙  
門于諸寺

弘仁九年五月敍許男女入僧尼之院初  
三年有禁俗閒愁廢勝業因茲解焉而令  
僧綱加嚴察是歲新羅沙門二十六人來  
挑入諸寺

十年春三月定僧官負釋寂澄請築圓戒壇  
于睿山夏秋冬

弘仁十年三月澄公上表乞於台山建菩  
薩戒壇護命等七師捧表斥之

十有一年春正月釋寂澄上顯戒論夏秋冬

十月釋空海賜傳燈大法師位

弘仁十一年

十有二年弘仁十二年

十有三年春二月釋寂澄賜傳燈大法師位  
夏六月癸亥釋寂澄寂國忌置台度秋冬

弘仁十三年六月尚書省劄曰傳燈大法  
師位寂澄奏狀言夫如來制戒機宜不同  
衆生發心大小各別所以文殊豆盧上座  
殊位一師十師羯磨各異伏乞聖慈天台

宗年分度者二人每年春三月先帝國忌於比叡山依法華經得度受戒自是二十  
二歲不聽下山四種三昧專得修習然則  
一乘戒定永傳寰區巾林精勤遠及塵劫  
謹以上奏者被右僕射宣稱奉敕宜依奏  
狀者省宜承知依宣行之符到奉行

十有四年春正月賜東寺于沙門空海三月  
尚書右中丞伴國道登睿山夏四月戊戌釋  
義真行大戒于睿山辛丑天皇禪位于皇太

第秋冬十有一月置密衆于東寺

弘仁十四年去歲澄公乞國忌度于台山  
故今茲令伴國道入延暦寺試度者伴公  
善法事書官貴也四月十四沙門義真於  
中堂行圓戒羯磨寢真之成先志故書以  
姓氏上之遜位者十七也十一月初十以  
東寺爲密場置五十比丘習密三藏三藏  
何大毗盧遮那金剛頂經等二百卷密修  
多羅也蘇婆呼經根本部等一百七十卷

密、毗耶也。菩提心摩訶衍論等十一卷。  
密阿毗曇也。自今撰密學者五十員。誦習  
密三歲無他宗雜住也。蓋正月賜東寺于  
海爲密寺。至此置密學。依海奏也。

### 天長皇帝

元年春正月乙卯改元天長。三月釋空海法  
事于神泉苑。夏四月秋七月冬十月釋義真  
爲延暦寺座主。

天長元年甲辰正月不書。即位去歲四月

二十八也。帝桓武第三子。諱大伴。初五改  
元。此春不雨。三月二十六沙門守敏空海  
奉詔修請兩經法于神泉苑。事見空海傳。  
中上擢海僧都不書。微也。密徒綱位自此  
始。此歲義真任天台座主。此職自真始。當  
穆宗長慶四年也。

二年 天長二年

三年 天長三年

四年春夏秋冬十有一月。沙門護命爲僧正。

天長四年

五年 天長五年

六年春夏四月度一百人秋冬

天長六年四月詔曰傳聞比來諸州疫發百姓禾亡夫出家功德不可思議宜度百僧弭此凶禍庶幾納羣生於仁壽致品物於中和

七年春夏秋冬十有二月修佛名懺禮于宮中

天長七年十二月宮中有佛名懺禮靜安傳繫承和五興是何異是修也後式也

八年 天長八年

九年 天長九年

十年春二月丙戌天皇禪位于皇太子夏秋冬

天長十年二月受禪二十八也

承和皇帝

元年春正月乙卯改元承和置真言院于宮

中夏四月秋九月僧正讓命寂冬十月經三會講賜僧官

承和元年甲寅正月不書即位去歲三月初六也帝弘仁第二子諱正良初三改元真言院後七日修法依空海奏也此歲詔曰自今經三會講師始任僧官三會何正月宮中御齋會三月藥師寺寂勝會十月興福寺維摩會也當文宗大和八年也二年春正月納功德料二百戶于東寺置密

度三月丙寅釋空海寂定夏秋冬

承和二年正月沙門空海奏去弘仁十四年詔令真言僧五十人住東寺學密教其時院宇未備不遑僧居今房舍已成乞東寺官家功德料千戶內二百戶充僧供爲國修法制可空海又奏金剛頂經毗盧遮那經業二人聲明業一人置年度精究密學正月二十二尚書省符降

三年春夏五月置三齋月修于東寺灌頂院

釋實慧爲東寺長者，秋冬

承和三年五月詔曰每歲三長齋月於東寺灌頂院擇三七比丘修息災增益法鎮護國家爲永式沙門實慧有密學教爲東寺長者此任自慧始

四年春夏五月置五品寺司秋冬

承和四年五月詔曰傳聞近城諸寺寺規放廢自今以文武官五品中察直者爲寺司促復之

五年春夏六月沙門慧運圓仁等赴唐秋冬十有二月置佛名懺于宮中

承和五年六月遣唐使藤常嗣發運仁等從之十二月佛名懺三日依沙門靜安奏也

六年春夏秋七月轉大般若經于紫宸殿九月沙門常曉獻太元帥像冬

承和六年七月紫宸轉經沙門六十人達觀各有差大法師位賜度者各一人法師

位以下各授一階

七年春夏六月賜法琳寺于沙門常曉秋冬移修寂勝會于大極殿

承和七年六月常曉奏山州宇治郡法琳寺地勢閑燥宜修大法乞以太元帥像安此地爲修法院保護國家制可此歲寂勝會移大極殿

八年春正月轉藥師經于清涼殿夏秋冬

承和八年正月清涼殿轉經沙門五十八

人各覲度者一人

九年

承和九年

十年春夏秋冬十有一月沙門泰景爲僧正

承和十年

十有一年 承和十一年

十有二年春三月轉大般若經于三殿夏秋

冬

承和十二年三月紫宸清涼常寧三殿及真言院轉經沙門一百人兼修陀羅尼法

各覩度者一人攘宮怪也

十有三年春夏秋冬十有二月納官租于定心院

承和十三年初帝於台山建定心院至此以近州租三萬束充佛僧之供

十有四年春夏秋冬九月沙門慧運圓仁至自

唐冬

承和十四年

十有五年春二月設拔萃度于省中夏六月

辛丑改元嘉祥秋冬十有一月置藥師寺講師

○嘉祥元年二月於八省試持經持咒拔萃者於是乎負笈杖錫自四方至者數百人得第七十餘人皆以延字爲上字六月豐後州獻白龜依是十三改元十一月下野州言藥師寺者天武皇帝之所創也院宇巍巍宛如七大寺資產亦多東關十州得度者咸萃於此而無講師令國講師勾當

寺事來諸故實未覩所由伏乞准大宰府  
觀世音寺例擇戒壇十師之中智行具足  
爲衆所推者任講師兼爲受戒阿闍梨制  
可

十有六年 嘉祥二年

十有七年春三月度五百人丁酉天皇禪位  
于皇太子夏五月度七十人秋冬

嘉祥三年三月十九太子受禪五月七十  
之度薦明神也故以神字爲上字

元亨釋書卷第二十三

元亨釋書卷第二十四

濟北沙門 師鍊

撰

資治表五

起仁壽至承  
平合七君

仁壽皇帝

元年春正月夏四月庚午改元仁壽秋七月冬十月

仁壽元年辛未正月不書即位去歲四五  
也帝承和長子諱道康四月二十八改元

此歲當宣宗大中五年也

二年 仁壽二年

三年 仁壽三年

四年春夏秋冬十有一月庚戌改元齊衡

○齊衡元年十一月二十九改

五年春夏五月置度者于氣多神宮寺置于氣比神宮寺秋九月沙門長訓爲僧正冬  
○齊衡二年五月能州氣多神宮度者三人  
越州氣比神宮度者五人爲年分也

六年春三月天皇灌頂于冷泉院夏秋八月  
設持咒度于神泉苑冬十月沙門真濟爲僧  
正

齊衡三年三月帝從圓仁阿闍梨稟灌頂，  
八月敕召持咒沙彌於神泉苑試之有感  
者賜度十月真濟之僧正密徒之始也

七年春二月戊子改元天安夏秋冬

○天安元年二月二十改

八年春夏沙門圓珍至自唐秋八月乙卯天

皇崩冬

天安二年八月之崩二十七也

貞觀皇帝

元年春正月夏四月辛丑改元貞觀秋七月  
冬十月八幡大神移男山

貞觀元年己卯正月不書即位去歲十一  
月初七也帝仁壽第四子諱惟仁四月之  
改元十五也此歲八幡移鳩嶺事在行教  
傳中當大中十三年也

二年春二月僧正真濟寂夏秋冬

貞觀二年

三年 貞觀三年

四年春夏秋七月舉貞觀寺冬沙門真如宗  
睿赴唐

貞觀四年七月二十嘉祥寺西院賜名貞  
觀寺舉何顯也初混嘉祥今得別號顯舉  
之謂也此歲如睿二師入唐

五年 貞觀五年

六年春正月辛丑釋圓仁寂二月定僧階三  
月印戒牒夏秋七月天皇灌頂于仁壽殿冬  
釋真雅聽輦車

貞觀六年二月十六敍曰國典僧綱元有  
三階蒲位法師位大法師位近來賢愚濫  
祿似無尊卑今三階之外更立三位法橋  
上人位法眼和尚位法印大和尚位此三位  
以爲三綱階法印位爲僧正階法眼位  
僧都階法橋位律師階者依真雅奏也三

月戒壇院設印印於戒牒其印用東大寺  
印模依沙門寂教奏也七月上就阿闍梨  
圓珍灌頂僕射藤良相等入壇者三十餘  
人此歲真雅賜輦車詔比丘之輦自雅始  
七年春三月嚴度戒學夏秋九月沙門壹演  
爲僧正冬十有一月沙門宗叡至自唐

貞觀七年三月僧都慧運奏謹案舊例凡  
得度者先與度緣次令入寺就中年歲者  
經二年精練沙彌行臨時度者經三歲然

後聽受戒每歲三月以前僧綱放牒諸寺  
令上當年受戒者名而乃會集綱所禮部  
鴻臚二官共勘名籍試法華寂勝威儀三  
經即簡年二十以上六十已下熟前件三  
經者更牒本寺三七日修悔過四月十五  
日以前定其受戒日請傳戒大小十師於  
東大寺戒壇依教問十三難及十遮然後  
登壇受戒受戒畢籍戒壇院差教授師丁  
夏九旬修學比丘二百五十戒三千威儀

回茲戒業誓鎮國家或居本寺請依止師  
細學律相若夫年未滿二十或七十以下  
并朝廷不許之人負債之輩黃門奴婢之  
類非戒器故佛不聽受頃年之間非唯忘  
卻舊例兼復違背佛教或臨受戒日纔下  
官符新剃頭髮初著袈裟冠幘之痕頭額  
猶存或十許歲少年人徒有貪名之外謀  
渾無慕道之中誠未練沙彌之行況於懺  
悔之事乎加以結齋之場競上下而鬪亂

登場之次爭先後而攀攫遂則罵詈有司  
陵轢十師濫博之甚不可言也夫得表無  
表戒名曰受戒於三師七證前殷勤至誠  
作禮乞戒之下發得防非止惡之功能名  
曰表戒羯磨之下發得非色非心成佛殊  
勝之功能名曰無表戒既無至誠禮敬心  
安得表戒表戒未得何得無表戒無表戒  
已不得何名得戒登壇已後不學律相故  
不知持犯不知持犯亦不修安居不修安

居何稱比丘伏乞依舊例兼遵佛制然則  
縉徒感激濫惡自止戒壇清靜佛法興繁  
國土之豐樂不期而來内外之災殃不攘  
而去制可九月壹演法師爲僧正凡僧正  
有三大正權也大行基始之正觀勒始之  
權演始之

八年春夏六月釋安慧爲延暦寺座主秋七  
月丙申釋寂澄賜謚傳教大師圓仁慈覺冬  
貞觀八年六月安慧爲天台座主尋常座

主不書曷爲書褒也曷爲褒事見本傳七月十四澄仁二公謚大師大師之号自此始語在相應傳中

九年春夏秋冬七月僧正壹演寂賜謚慈濟冬貞觀九年七月慈濟之謚号是爲始

十年 貞觀十年

十有一年春二月沙門遍昭賜法眼和尚位夏秋冬

貞觀十一年二月遍昭之法眼位台徒綱

位之始

十有二年 貞觀十二年

十有三年 貞觀十三年

十有四年春三月度八十人僧正真雅管法務夏秋冬

貞觀十四年三月詔曰大相國藤公朕之外祖父也比來寢瘵人傳鑒巫不効朕食息不安寧伏聞內傳之中度人歸法能拯人厄宜賜度者八十人初空海師歸朝奏

曰階不空三藏爲唐國法務况國家曩設  
此任中不繼乞復敍置綱所造印鑰凡僧  
官進退法事啓散皆能管行而海公不任  
印鑰納官三月十四真雅爲法勢先是居  
此任者五人推古三十二年觀勒始爲僧  
正兼主法勢天平十年信行爲律師同日  
主法勢勝寶八年慈訓律師法勢寶字七  
年鑑真僧正法勢天長四年護命僧正法  
勢此五人絕而或續雅之後法勢不絕興  
十有五年貞觀十五年  
十有六年貞觀十六年  
十有七年貞觀十七年  
十有八年春夏秋冬十有一月壬寅天皇禪  
位于皇太子

貞觀十八年十一月二十九太子受禪

元慶皇帝

○

元年春正月乙亥天皇即位夏四月壬申改元元慶秋七月冬十有二月舉元慶寺

元慶元年丁酉正月初三帝即位于豐樂殿帝貞觀長子諱貞明四月改元二十一年也去貞觀十一年建伽藍十二月配紀元曰元慶寺置年度三人此歲當僖宗乾符四年也

二年 元慶二年

三年春正月僧正真雅寂夏五月太上皇祝

髮度三十人秋冬十月沙門宗睿遍昭爲僧正太上皇灌頂

元慶三年五月初八太上皇就沙門宗睿落髮受戒三十之度薦仁壽上皇也十月遍昭爲權僧正台徒僧正昭爲始此歲太上皇從睿公受兩部灌頂

四年春夏秋冬十有二月貞觀上皇崩度一

百人

元慶四年十二月度薦太上皇也

五年

元慶五年

六年

元慶六年

七年

元慶七年

八年春二月乙未天皇遜位カクアツ僧綱賀于東宮，轉大般若經于東宮修法于仁壽殿三月僧正宗睿寐夏五月監修廢寺六月起塔于嘉祥寺秋九月置阿闍梨位于元慶寺冬

元慶八年二月初四帝避位此日羣臣捧

傳國寶璽劍等詣吏部王宮五日王移東

宮六日三綱率諸沙門賀東宮十三延五十沙門于東宮前殿轉大般若三日二十四救二十沙門修法仁壽殿五日五月詔曰天下寺院廢朽相仍宜以各寺田產加修造來冬仲月降監使檢察若有弛怠罪不寬六月以近波二州租造五級塔于嘉祥寺九月以惟首安然二師充元慶寺阿闍梨位教授密乘依遍昭奏也

仁和皇帝

元年春二月丁未改元仁和省僚署戒牒三  
月充度者于最勝講師夏四月轉大般若經  
于五寺修仁王百座會一百所秋九月納鉢  
于元慶寺加立義于維摩寂勝二會冬十  
月饗遍昭于仁壽殿

仁和元年乙巳正月不書即位去歲二月  
二十二也帝承和第三子諱時康嘗爲吏  
部尚書屬元慶帝之避位羣臣固請帝不  
得辭二月改元者二十一也禮部省言去

六年六月僧正遍昭奏狀備頃年受戒輩  
多不軌只以戒牒專爲公驗自今受戒日  
省僚威從共向戒壇子細勘會官符度緣  
即令登壇受戒便取戒牒具注紙後以其  
本籍姓名省僚共押署以省印印之者伏  
乞准度緣三司共署印制可閏三月詔曰  
每歲正月太極殿齋講是先聖之所遵行  
也設齋講之座演寂勝之經其講師者才  
名拔萃智德高邁宜給度者一人以代扶

老之杖立爲式四月於延暦寺東西院崇  
福梵釋元興五寺各請十僧轉大般若五  
日賀藤太師五十筭也修百座仁王會於  
紫宸殿及諸司十二宮門羅城門東西寺  
合三十二所并六十六州國分寺兼二嶋  
也九州近州高嶋郡野地納元慶寺墾田  
凡一千五百畝興福寺維摩會藥師寺寂  
勝會加立義沙門各一人十月饗僧正遍  
昭賀七十筭也三公皆預席夜談至曉不

書官非禮也此歲當光啓元年也

二年春三月僧正遍昭賜封戶聽輦車夏秋  
冬十月沙門朗善入宮釋圓珍護摩于紫宸  
殿

仁和二年三月十四詔曰僧正遍昭慈仁  
爲性智德在躬所以朕之丕膺鴻業撫育  
兆民者皆公之潛加宜祐也况公未入釋  
門朕亦在列藩恩交相結盟約共深雖遼  
塵外猶在宮中故割百戶以充禪供亦聽

輦車鳴乎至人懸解上德難名物外浮榮  
雖知非公之好人間崇飾聊又寄朕之懷  
十月帝不豫召梵釋寺朗善加持聖躬又  
詔延暦寺座主圓珍於紫宸殿修護摩法  
五日帝疾愈善珍同加上病何姓珍不姓  
善善公加疾不明故族書入宮珍公有効  
故書姓貴之

三年春三月加年度于延暦寺夏秋八月丙  
寅天皇崩冬十月轉大般若經于宮中修法

行觀行觀天下耆僧尼

仁和三年三月年分度一人加延暦寺其  
一大毗盧遮那經業其一一字佛頂輪王  
經業資二神大小比睿因座主圓珍請也  
八月二十五帝崩十月一百沙門讀大般  
若于宮中又十五名德期一七日修法官  
中散日賜觀于御前此歲天下僧尼八十  
歲以降行觀敬老也

寛平皇帝

元年春正月改元寬平夏四月秋八月慶仁  
和寺冬十月

寬平元年戊申正月不書即位去歲十一  
月十七也帝仁和第三子諱定省古史仁  
和四年連帝初年改元在己酉四月二十  
七今以即位次年立元雖與孝德例後先  
不齊史法同焉八月仁和寺落成沙門真  
然爲慶導師此歲當文德元年也

二年春夏五月八幡神藏震秋七月頒孟蘭

盆供于諸寺施燈油于寺祠冬十有二月獻  
道具于八幡神祠

寬平二年五月石清水寶藏震太史筮曰  
病在聖躬帝曰朕雖至愚頗慎言行况歸  
三寶旦暮修懺縱有微恙不至大故然當  
咎徵不可逸豫只夫天地神靈證之耳而  
無事君子曰宋公善言終星沒焉夙慎言  
行勤修懺何災之有自信不疑天皇之謂  
乎七月盂蘭盆供薦先皇也其納燈油七

所延曆西塔院神護圓成長谷東西寺幡  
神祠也十二月石清水大神託曰欲得  
菩薩服色道具數獻瓔珞香爐念珠等

三年春正月僧正遍昭寂夏四月灌佛于宮  
中秋冬十月沙門真然爲僧正

寬平三年四月設浴佛于宮皇帝太子公  
卿階名灌佛

四年春夏秋九月僧正真然寂冬十月庚子

釋圓珍寂

寬平四年

五年

寬平五年

六年

寬平六年

七年春夏秋冬十有二月僧都益信律師聖  
寶管法勢

寬平七年十二月益信法勢正也聖寶權  
也尋常小官不書曷爲書見法勢在僧都  
及律師不必僧正也

八年

寬平八年

九年春正月天皇幸雲林寺夏秋冬

寃平九年雲林寺幸者閏正月也

十年春夏秋七月戊寅天皇禪位于皇太子

九月朔釋聖寶祈日食冬

寃平十年七月讓位者初五也九月朔日有食之詔沙門聖寶祈焉天晴不虧救覩

御衣

昌泰皇帝

元年春正月夏四月乙丑改元昌泰秋七月

冬十有二月修吉祥懺于天下

昌泰元年戊午正月不書即位去歲七月十三也帝寃平長子諱敦仁四月改元二

十六也此歲當昭宗光化元年也

二年春夏秋冬十月太上皇祝髮十有一月太上皇受戒于東大寺

昌泰二年十月十四上皇從沙門益信出家法諱空理十一月二十四登東大寺戒

壇

三年春三月沙門益信爲僧正夏秋冬十月  
道皇幸高野山

昌泰三年十月道皇何寬平上皇也曷爲  
道皇受道上皇也

四年春二月禁私修壇法夏秋七月甲子改  
元延喜冬十月慶讚大藏經于淨福寺十有  
二月道皇灌頂于東寺

○延喜元年七月改元十五也十月大上皇  
詔沙門增命慶讚淨福寺大藏經十二月

太上皇於東寺從僧正益信灌頂金剛号  
金剛覺

五年春三月沙門聖寶爲僧正夏秋冬

延喜二年

六年 延喜三年

七年春三月道皇營室于仁和寺夏秋冬營  
室于睿山

延喜四年三月上皇構一堂於仁和寺安  
金剛界三十七尊及外院天等三摩耶形

上皇禪居側室俗曰御室是歲上皇幸睿

山千光院造御室千光院者增命坊也

八年春正月天皇幸仁和寺夏四月道皇受戒于睿山秋九月道皇幸金峯山冬十有二

月施錦于平城耆年

延喜五年正月仁和寺幸者觀上皇也十二月敕僧正聖寶檢平城諸寺比丘年八十已下上名薄就穀倉院行縣

九年春三月僧正益信寂夏秋冬十月道皇

賀沙門增命座主

延喜六年三月十八增命爲天台座主十月上皇上山賀之

十年

延喜七年

十有一年 延喜八年

十有二年春夏秋七月僧正聖寶寂冬

延喜九年

十有三年春夏四月灌佛于宮中秋九月道

皇灌頂于睿山

延喜十年四月浴佛觀賢爲道師九月上  
皇稟灌頂於座主增命帝聞之授命以法  
眼和尚位上皇手捧詔與命及袈裟數珠  
香爐等

十有四年 延喜十一年

十有五年 延喜十二年

十有六年 延喜十三年

十有七年 延喜十四年

十有八年春夏釋增命愈天皇疾秋冬

延喜十五年天下疮瘡帝患之召命法師  
加之乃愈

十有九年春夏秋冬十月釋增命陪宮

延喜十六年宮中有恆十月召命公陪宮  
持念十一月歸山帝賜御衣

二十年 延喜十七年

二十有一年春夏秋八月道皇行灌頂于大

學寺冬

延喜十八年八月上皇於大學寺行灌頂

事沙門寬空仁元等七人同稟

二十有二年春夏秋冬七月天皇受二經于釋

增命冬

延喜十九年七月初五帝召增命座主於仁壽殿西廂受金剛般若經七日受妙法蓮華經敕侍臣源公忠藤在衡預聽八月初三命歸山覲具甚多

二十有三年延喜二十年

二十有四年春夏秋冬十月釋空海賜謚弘

法大師

延喜二十一年十月海公大師謚依觀賢奏也

二十有五年春夏秋冬七月釋增命解座主冬延喜二十二年七月命公上表辭座主位帝不許表凡五度帝遣羽林次將藤實頼入山賜寢書有恐違師之素懷無遂朕之本志之句尋常座主補退不書曷爲故書解褒也曷爲褒褒睿懇也

二十有六年春正月丙戌改元延長三月釋增命陪宮夏五月命公爲僧正法勢秋冬

○延長元年正月改元十一也三月嘗靈奮

厲都下震恐二十一皇太子保明俄薨帝大懼召命公加護侍臣夢神兵衛宮城五月命公任法勢台徒之始

二十有七年春二月天皇受如意輪軌于釋增命夏秋冬

延長二年二月帝之受法二十一也

二十有八年春三月沙門觀賢爲僧正夏六月釋增命愈天皇瘧僧正觀賢寂秋七月釋尊意法淨于台山八月修法于勸修寺冬十月給衣糧于唐僧

延長三年六月初七帝瘧命公加持乃差夏旱七月十六詔尊意法師法淨于延曆寺意修佛頂尊勝法限以七日第四日大雨八月二十三延一百沙門于勸修寺增命爲導師薦太后也十月初七賜唐僧平

秀衣糧湛譽智琮米

二十有九年春夏五月賜沙門寬建黃金秋七月轉經于七寺冬十有二月轉經于十有四寺行無遮施慶醍醐寺

延長四年五月興福寺沙門寬建赴唐帝與黃金一百兩七月初四太上皇於七寺讀經薦左僕射源融也初源靈託宮人曰我生平惡作多故墮苦趣湯鑊劍林楚痛無量而我有餘習以劇苦之隙時時來息

河原院耳救問曰修何善脫此苦對曰罪根至深難容救援然於七寺各修諷讀或免苦趣故有之十二月十九上都七大寺南京七大寺各諷經祝太上皇也今茲上皇六十然不許賀故天子修斯經會其十四寺施用甚繁又以穀一千二百石行無遮施二十八慶醍醐寺侍中尹甫監法事三十年春夏秋冬十月轉仁王經于宮中十有二月釋增命寂釋圓珍賜謚智證大師增

命号靜觀

延長五年十二月智證靜觀二謐依沙門  
智祐奏也

三十有一年春夏五月轉大般若經于紫宸  
殿秋冬

延長六年夏疫五月二十二延一百沙門  
于紫宸殿讀大般若除疫也

三十有二年春三月釋尊意賜度者夏秋冬

延長七年春京畿疫三月詔睿山座主尊

意修銷疫法七日後疫除賜度者三十二  
人

三十有三年春夏六月釋尊意陪常寧殿秋  
九月癸未天皇禪位于皇太子冬

延長八年六月二十一戶部尚書藤清貫  
尚書右中丞平希世於清涼殿爲雷震死  
帝惶憚遷常寧殿召座主尊意持念加護  
依營靈激怒也九月二十三讓位太子二  
十九就尊意落髮受戒法諱金剛寶

承平皇帝

元年春正月夏四月甲寅改元承平秋七月

甲辰寬平道皇崩冬十月

承平元年辛卯正月不書即位去歲十一  
月二十一也帝昌泰第十一子諱寬明四  
月癸元二十六也是歲當五代唐明宗長  
興二年也

二年 承平二年

三年 承平三年

四年春釋尊意移烏巢夏秋冬

承平四年春烏巢弘徽殿前柿樹宮中以  
爲怪召尊意修不動法一十七日日日烏將  
雞去七日皆盡

五年 承平五年

六年春夏秋冬十有一月行試經度

承平六年十一月試經度法勢外而特旨

也

七年

承平七年

八年春夏五月戊辰改元天慶秋冬

天慶元年五月二十二改

九年春夏秋七月釋尊意法雪冬

天慶二年夏旱七月詔意公祈雨期以七

日第五之日大雨洽

十年春正月釋淨藏明達伏逆臣平將門夏  
秋冬十有一月釋明達伏藤純友

天慶三年初前將軍平良持之子將門反  
東州已數年矣寇虐甚熾至此詔諸沙門

修降伏法淨藏于延暦寺明達于美州中  
山神宮寺又宮中修仁王會太元法壇中  
血出又東大寺脣索院於執金剛像前修  
降伏忽失像寺衆懼官師不利過二十餘  
日像復天冠巾少有缺壞膚濕如汙像  
失之間賊亡之時也蓋二月十四將門伏  
誅平貢盛射之藤秀鄉得首十一月二十  
一敕明達於住吉神宮寺伏純友將門之  
餘孽也

十有一年 天慶四年

十有二年 天慶五年

十有三年 天慶六年

十有四年 天慶七年

十有五年 天慶八年

十有六年 春夏四月癸酉天皇禪位于皇太  
弟秋冬

天慶九年四月讓位十三也

元亨釋書卷第二十四

